

Broj: 01-02-3-487/17

Sarajevo, 24.04.2017. godine

Z A P I S N I K
TEMATSKE SJEDNICE PREDSTAVNIČKOG DOMA PARLAMENTA FEDERACIJE
BIH, "Problem iseljavanja stanovništva sa područja Federacije BiH" održane 22.03 i
11.04.2017. godine

Sjednica je počela u 13.43.

Sjednici je predsjedavao predsjedavajući Predstavničkog doma Parlamenta Federacije BiH Edin Mušić.

Predsjedavajući Mušić pozdravio je zastupnice i zastupnike, članove Vlade Federacije BiH, goste kao i predstavnike akreditiranih medijskih kuća koji prate rad sjednice.

Odsustvo sa sjednice opravdali su: Ibrahim Šišić, Ilhan Bušatlić, Ljuban Herceg, Rusmir Mesihović i Nasir Beganović.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Sa 51 glasom za, šest glsova protiv i uz tri uzdržana glasa usvojen je sljedeći:

D N E V N I R E D

1. Problem iseljavanja stanovništva sa područja Federacije BiH.

1. Problem iseljavanja stanovništva sa područja Federacije BiH.

Informaciju o problemu iseljavanja stanovništva dostavio je Federalni zavod za statistiku.

Informaciju su razmatrala nadležna radna tijela i dostavila izvještaje.

U ime Vlade Federacije BiH Domu se obratio premijer Fadil Novalić, te izvršio prezentaciju na ovu temu.

Rukovodstvo je predložilo imenovanje Radne grupe za izradu zaključaka u kojoj su: Dževad Hodžić, Dennis Gratz, Mira Ljubijankić, Slavica Josipović, Jasna Duraković Hadžiomerović, Alma Arnaut, Salem Halilović, Amra Kunovac, Vjekoslav Bakula, Zikreta Odobašić i Azra Hadžić. Grupom će rukovoditi Dennis Gratz.

Predsjedavajući je pozvao Dennisa Gratz da se obrati Domu.

Domu se obratio i direktor Federalnog zavoda za statistiku Emir Krenić.

Predsjednik Vijeća mladih Federacije BiH Mate Lončar obratio se zastupnicima.

U ime Instituta za razvoj mladih Kult obratila se Katarina Vučković.

Ispred Udruženja Restart obratio se Salih Musić, koji je imao prezentaciju na ovu temu.

Amar Numanović ispred Centra za društvena istraživanja obratio se Domu.

Otvorena je diskusija u kojoj su učestvovali: Jasna Duraković Hadžiomerović, Zukan Helez, Boro Krišto, Safet Kešo, Jasmina Zubić, Slavica Josipović, Mira Ljubijankić, Boris Marjanović, Jusuf Bubica, Mujo Hodžić, Elma Đogić, Dževad Adžem, Saša Mitrović, Amra Haračić, Asim Kamber, Suzana Franjka Galić, Emina Mutap, Mahir Mešalić, Dževad Hodžić, Dennis Gratz, Faruk Čupina, Bajro Makić, Almir Zulić, Ismet Kurić i Dževad Agić.

Nakon diskusija, predsjedavajući je kazao da će imenovana Radna grupa na bazi materijala, prezentacija i diskusija današnje sjednice sročiti prijedloge zaključaka, te ih dostaviti v.d. sekretaru Doma radi usvajanja.

Predsjedavajući je prekinuo rad sjednice u 18.20.

* * *

NASTAVAK TEMATSKE SJEDNICE PREDSTAVNIČKOG DOMA PARLAMENTA FEDERACIJE BIH, održane 11.04.2017. godine

Sjednica je počela u 10.38.

Sjednici je predsjedavao predsjedavajući Predstavničkog doma Parlamenta Federacije BiH Edin Mušić.

Predsjedavajući Mušić pozdravio je zastupnice i zastupnike, premijera i članove Vlade Federacije BiH, goste kao i predstavnike akreditiranih medijskih kuća koji prate rad sjednice.

Odsustvo sa sjednice opravdali su: Elma Đogić, Mirela Halilović, Almir Zulić i Faruk Čupina.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Predsjedavajući je kazao da je Radna grupa dostavila prijedlog zaključaka, te pozvao predstavnika Radne grupe Dennisa Gratz da dodatno obrazloži.

Dennis Gratz dao je dodatno obrazloženje.

Slavica Josipović dala je sugestiju po pitanju tačke 10. zaključaka. Dennis Gratz tražio je kratku pauzu od 10 minuta radi formuliranja konačnog zaključka.

Nakon pauze Dennis Gratz kazao je da je Radna grupa utvrdila konačan prijedlog zaključaka o kojima su se zastupnici izjašnjavali.

Sa 56 glasova za, bez glasova protiv i uz četiri uzdržana glasa usvojeni su sljedeći:

ZAKLJUČCI

1. Predstavnički dom Parlamenta Federacije BiH prepoznaje problem iseljavanja stanovništva sa područja FBiH kao važno pitanje od izuzetnog ekonomskog i socijalnog značaja za planiranje, razvoj i prosperitet Federacije BiH.
2. Obavezuje se Vlada Federacije BiH da pripremi informaciju prema Predstavničkom domu Parlamenta Federacije BiH o planiranim i trenutnim projektima koji se tiču privlačenja investicija i povratka državljana BiH – potencijalnih ulagača u razvoj privrede u BiH.
3. Predlaže se kreiranje pravnog okvira za uspostavljanje Ureda za privrednu saradnju sa iseljeništvom pri Vladi Federacije BiH koji bi se bavio privlačenjem investicija, te olakšavanjem i pravno-informativnom pomoći bh. državljanima u inostranstvu zainteresovanim za ulaganje i biznis.
4. Traži se informacija o mjerama pronatalne politike uključujući i preduzete korake ka izjednačavanju prava porodilja i majki u Federaciji BiH u svrhu ohrabrenja politike nataliteta, borbe protiv „bijeke kuge“, a u skladu sa stavom premijera Vlade Federacije BiH da je ovo pitanje koje se nadovezuje na problem iseljavanja.
5. Obavezuje se Zavod za zapošljavanje Federacije BiH da u saradnji sa kantonalnim zavodima za zapošljavanje u roku od 90 dana dostavi informaciju o broju ljudi koji su se odjavili sa biroa ili druge vrste procjene koje se tiču napuštanja BiH u svrhu zapošljavanja u inostranstvu, kao i informacije o strukturi poslova zbog kojih bh. građani odlaze u inostranstvo.

6. Od Federalnog ministarstva obrazovanja i nauke se traži da u roku od 90 dana, u saradnji sa nadležnim kantonalnim ministarstvima, pripremi informaciju o školama i fakultetima te utvrdi spisak deficitarnih zanimanja u Federaciji BiH.
7. Predlaže se kreiranje pravnog okvira za uspostavljanje Mreže studenata u inostranstvu iz Federacije BiH pod pokroviteljstvom premijera Federacije koja bi se realizovala u saradnji sa Vijećem mladih Federacije BiH.
8. Obavezuje se Federalno ministarstvo raseljenih osoba i izbjeglica da predloži finansijski plan i metodologiju prema Vladi Federacije BiH u roku od 60 dana kojom bi se moglo izvršiti adekvatno evidentiranje izbjeglica i ekonomskih migranata koji privremeno borave u inostranstvu u svrhu povezivanja, prikupljanja informacija i adekvatnog informiranja bosanskohercegovačke dijaspore o izmjenama propisa, prilikama i programima podrške Vlade Federacije BiH, a kako bi Vlada Federacije BiH planirala posebna sredstva za realizaciju ove vrste aktivnosti u budućnosti.
9. Obavezuje se Vlada Federacije BiH da u roku od 120 dana pripremi informaciju za Predstavnički dom Parlamenta Federacije BiH o efikasnosti i rezultatima primjene Zakona o mladima Federacije BiH.
10. Obavezuje se Vlada Federacije BiH da u roku od 90 dana pripremi sveobuhvatnu informaciju o iseljavanju sa akcentom na provedbu Aneksa 7. Dejtonskog sporazuma, demografsku obnovu i ostanak mladih u Federaciji BiH.

Predsjedavajući je zaključio rad tematske sjednice u 11.12.

Transkript i prijepis transkripta sjednice čine sastavni dio Zapisnika.

v. d. SEKRETARA
PREDSTAVNIČKOG DOMA
PARLAMENTA FEDERACIJE BIH

Stela Ibrović

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BIH

Edin Mušić